

NGHENISO WA LESWINTSHWA: XINTIRHWANA XA MUSECHO NA NTEKELO ENDHAWINI YA MNN MKHIZE

Tshwane, 26 Hukuri 2024 – Vukorhokeri bya Xibalo bya Afrika-Dzonga (SARS) byi tsakile ku tivisa ntumbuluko wa nkoka eka tshalatshala ra hina ro lwa na mpapalato wa xibalo na nghingiriko wa swa vugevenga leswi tsan'waka ikhonomi ya tiko. Xiphemu xa Laha Tikweni xa KwaZulu-Natal xa Khotokulu ya Durban xi nyikile xileriso xo sivela na waranti yo secha no tekela eka kheyisi leyi katsaka Khomixinara wa SARS na Shawn Mkhize na Van'wana.

Xiboho lexi i goza ra nkoka swinene eka xikongomelo xa qhinga xa SARS xo endla swi nonoha swinene no durha eka vahakelaxibalo lava ngehenelelaka hi ntsakelo na hi vomu eka nghingiriko wa vugevenga. Eka malembe lama nga hundza, SARS a yi ri eku lavisiseni no landzelerisa hi vurhon'wana vumaki bya vuaki leswaku byi landzelela milawu ya xibalo.

SARS yi sindzisa swipimelo leswi andlariweke eka Nawu wa Vulawuri bya Xibalo bya Xibalo wa Nomboro 28 wa 2011, hi xikongomiso xo karhi eka xiyenge xa 163, eku hlayiseni no sirhelelela tinhundzu. Xiendlo lexi xa nsindziso xa sweswinyana i rin'we ra magoza mo tala lama SARS yi ma tekeke hi ku tirhisana na Vukorhokeri bya Maphorisa bya Afrika-Dzonga na Xiyenge xa Ndzavisiso wa Vugevenga wa Xirhangana (Hawks), ku tlakusa xindzhuti xa sisiteme ya hina ya xibalo.

Swileriso swi kumiwile ku sivela hangalaso wa tinhundzu leti xavisekaka, leswi nga kavanyetaka nhlengeleto wa swibalo, na ku sirhelela vumbhoni bya nkavulandzelelanawu lowu nga va ka kona eka milawu ya xibalo leyi lawuriwaka hi Khomixinara wa SARS.

Khomixinara wa SARS Edward Kieswetter, u humeserile ehandle ku khensa ka yena eka tiejensi ta nsindziso wa nawu - Vukorhokeri bya Maphorisa bya Afrika-Dzonga, Hawks, na swirho swa SARS - eka ntirhisano wa xikombiso lowu fikeleleke asayimente leyi ehansika swiyimo swo tika.

Khomixinara u vurile leswaku SARS yi nge bakanyeli etlhelo mayelana no humelerisa xileriso xa yona handle ka nchavo, tintswalo, kumbe ringhohe, ku nga langutiwi xiyimo xa munhu wihi na wihi eka vaaki. Ku hava loyi a nga ehenhla ka nawu, kwalaho swi na nkoka eka SARS leswaku yi tirha ku sindzisa ku tiyisisa leswaku hinkwerhu hi fikelela swiboho swa hina swa xinawu. Xintirhwana xa namuntlha xa musecho na ntekelo xi fanele ku vula hungu rin'we eka hinkweru ra leswaku tiejensi ta nsindziso wa nawu ti ta tirha ku yimisa nkanawu. Lava nga sirhelelekangiki swinene eka vaaki va hina, vadyuhari, na vana va hlayisiwa hi mfumo hi ku tirhisa xibalo ku hunguta no vevukisa vuswet, vupfumalantirho na ndlala. Nsihalalo wihi na wihi eka nawu hi vomu wu ta aleriwa.

Mayelana na vuxokoxoko hi xitalo, u komberiwa ku tihlanganisa na SARS eka SARSMedia@sars.gov.za.